

✱ Lo mas millor flusflús d'o Mercau (y si puet estar d'o Mercau Social) que farà que la tuya implicación en la economía social y solidaria brile y reluzca con lo millor buen rollo ¡y en morau! Un metodo infalible pa fer habitable, amigable y deseable qualsquier reunión u asamblea ¡por espesa que pareixcal ¡Resultaus guarenciaus pa cutio! ¡Dende lo primer uso, la tuya entidat notará la diferencial! Aquí t'amostramos beluna d'as tuyas atractivas aplicacions:

✱ Protocolo Activo Asembleyario Feminista

¿Asembleyas aburridas?
¿Comentarios y chistes masculistas, racistas, que no vienen a cuento?
¿Parolería desenfadada y sin mica conteniú?
**¡NO DESESPERES!
¡IXO YE COSA D'O PASAUI!**

¡Ya ye aquí lo flusflús mas fantástico, maravilloso, efectivo, efectista, feminista, alternativo, ecolochico, economico y social!



CONVOCATORIA

Si te convocan a una reunión u asamblea, sobre tot bien de calma, no te bloqueyes, rui-xia-te con iste magnifico flusflús y serás capable de contestar y confirmar la tuya asistencia pa facilitar la preparación d'o espacio, los materials, u lo que calga, de man d'as convocants (ixas grans desconoixidas), y si los tuyos quefers diarios no te permiten acudir-ie, encara que no lo creigas, ¡la tuya voz se puet ascuitar! Aporta, aporta sin dubdar-lo ninviando un texto por correu.

HORARIO

Lo tiempo ye relativo,... pero necesario, demos-le la importancia que tien, vaigamos puntuals t'as asembleyas y sigamos rapedas y pulcras con los suyos tiempos.

DISPOSICIÓN

Mete-te la tuya millor actitud y ves-ie feliz a chenerar lo millor clima de treball en istas asembleyas. Ubre bien los tuyos sentius pa participar-ie, ascuitar, aportar y aprender, con nomas unas gotas de **PAAF**, veyerás caboliosament que la fayena ye important, pero las personas mas y por ixo cal cuidar, arropar, acullir, ascuitar, comprender, acompañar y estar feliz en tot lo proceso.

PREPARACIÓN

Con iste maravilloso flusflús podrás escoscar-te las lunetas d'o deber y asinas levar ta l'asamblea las fayenas feitas: lectura de documentación ninviada, pensar sobre los temas a tractar... y si ixo no puet estar, no frotas mas, regular que lo tuyo papel puet estar unatro... Lo libro ye de todas y pa que no tienga tacas ni borrons, ye millor escribir-lo de conchunta.

ESPACIO

Tot entra por los nuestros sentius, cudiemos-los, mete un sinyalín de **PAAF** en un perrecallo y pasa-le-ne a l'orden, la iluminación, las ulors y los materials que farás servir en los tuyos espacios ¡y con lo nuestro accesorio **Chiqui-PAAF** puetz chenerar espacios de conciliación pa que dengún no se quede en casa!

MORISQUETAS

Adedica bell minuto a lo cudiau, en lo encomience, durant u a la fin de l'asamblea. No nomás d'a operatividad vive la humanidad. Chita bella gotarraina de **PAAF** con lo tuyo flusflús y ¡podrás charrar de l'orache sin mica vergüenya! Sabendo, antimás, que estando ret tamién mola compartir-se, construyir-se colectivamente y parando firme cuenta de que i hai diversidad d'ideyas, estrucias, capacidatz... y que ixo ye tot un lujo.

DECISIONS

¿Bozons en los oyus, no ascuitas bien? ¿Vendas en los uellos, no i veyes?

No te'n faigas, con **PAAF** desembozamos qualsquier encerramiento, opinión increbante, falta de visión periférica y gambada en burro, femos que consigas ascuitar todas la voces, veigas y respetes todas las individualidatz y pluralidatz, sin desequilibrio de chenero, regalando-te los dogmas y deixando tobas las tuyas actituds mas duras. Antimás, aprenderás a tender la man, y asinas, facilitar la perdua de miedo a la parola d'as tuyas compañeras.

DISTRACCIONS / INTERRUPCIONS

¿Yes de buen espiguardar? ¿Charras sin pensar?

Tenemos la solución a lo tuyo problema: con la tuya primer comanda de **PAAF** te regalamos una libreta y una pinza; en la libreta, i podrás apuntar las tuyas ideyas pa charrar quan te pertoque y la pinza ye pa casos grius de comentarios xenofobos, sexistas, LGTBfobicos, homofobos... los detecta de camín y caye sobre la boca d'a personas, zarrando-la y acabando asinas con lo problema. Antimás, si entras adintro d'as 100 primers comandas te incluyiremos un minimanual pa desenchegar lo mobil y unatro a on que te indicamos cómo no interrumpir a la resta, paso a paso y con dibuixetz.

Recuerda que las reuniones se rematan y puetz explicar-te dimpués (si te deixan) en un entorno mas adequau.

POSICIONAMIENTO

¿Bella vegada aprecisas un mapa? No desesperes, tamién tenemos la solución pa tu. **PAAF-Bruxula** ye lo tuyo accesorio aliau.

Con ell entenderás que dengún va contra tu por pensar diferent, s'acorarán los argumentos vuedos nomás pa replenar, deixarás de charrar sin sentiu y respetarás lo redoldín de parola, ¡guarenciau! Con lo suyo empleo de contino serás capable de descifrar y mesmo de valorar lo que dicen las tuyas compañeras y deixarás de repetrir y furtar las ideyas que atras ya han dito sin encarranyar-te ni querer fer-te a mofla u fer de menos. Con la **PAAF-Bruxula** trovarás lo norte, lo sud, l'este y l'ueste.

INTERVENCIONS

¿No fas que la estrolicadera? No lo dubdes, yes capable de charrar de manera clara, breu, honesta, dreita y tamién de saber callar-te a tiempo pa ascuitar activamente a la resta, nomás has de prebar-lo una vegada y quedarás embacilada... ¡increyible! ¡la resta tamién tienen buenas ideyas!

QUAN

Pa que las tuyas asembleyas tiengan un brillo sublime dende lo minuto uno, una mica de **PAAF** en la siella y repartirás las fayenas en l'encomience d'a reunión/asamblea u mesmo antes, en la convocatoria.

QUI

Una piedra en lo camín nos amostró que lo suyo destín yera chinar y chinar... Puya t'o carro con **PAAF**, y no deixar de chinar, con nomás una aplicación asumirás fayenas y de conchunta aprenderetz a desempavonar los cristals puercos que invisibilizan y podretz valorar los treballos que no se veyen. Denguna no ye perfecta y talemte bella vegada entivoques lo tuyo camín, pero si no i puyas no arribará nunca a destín.

CÓMO

Lo nuestro protocolo antimás de asembleyario y feminista ye activo, por lo tanto va dada en la suya composición que distribuyir los tiempos pa tractar los afers ye cuestión de todas, no nomás de qui modera u dinamiza. Lo mete en la etiqueta.

QUÉ

Tenemos tot un repertorio d'accesorios pa facilitar y fer servir en las tuyas asembleyas:

- **PAAF-METODICA** Pa la persona que cuida d'o espacio, piensa dinamicas, las preba y las evalúa.
- **MULTI-PAAF** Pa la persona encargada de prener acta. Recuerda que cal meter calendata pa la sigüent reunión y qui la convocará.
- **CRONO-PAAF** Pa la persona que asegura la fluidez y respecto d'os tiempos, fa las fotos, audios...
- **PAAF-5 SENTIDOS** Pa la persona que cusira las relaciones interpersonals, capta resistencia y media en los conflictos, para cuenta de que las diferents formas d'estar y expresar-se se tiengan en cuenta y priva que nomás sigan las mullers qui «equalicen» l'ambient.

PA QUÉ

Lo nuestro obchectivo ye que la tuya entidat, todas las personas cuenten y s'ascuiten todas las tuyas voces. Por ixo te ofrimos iste revolucionario protocolo, **PAAF**, la solución a los tuyos problemas de vergüenyetas y dificultatz pa charrar en publico, chitando-ne nomás un tape en la tuya entidat te sentirás mas segura pa participar-ie y las tuyas asociadas serán «alegría d'a huerta» en todas las asembleyas a on que participen.



las nuestras usuarias han charrau

- « Dimpués de fer servir PAAF, ¡soi millor persona y me siento chic, moderna y mas dinamical! »
- « PAAF cambió la mía vida, soi economicament mas social y solidaria »
- « No puedo deixar de fer-lo servir, l'he levau t'as cenas de nadal... ¡y tamién fa honra! »

Istos materials s'han elaborau por lo Grupo de Feminismos de la ESyS de Aragón [<https://reasaragon.net/economiafeminista>]

Las ilustracions son de Sara Chueca [www.pinterest.es/sarachueca/]

L'adaptación y creación de textos, lo disenyo y la maquetación son de Ana Maketa [www.anamaketa.net]

Los textos s'han traducutu a l'aragonés por Carlos Barrenau [<http://barrenau.blogspot.com>]



Colabora:



Zaragoza
DINÁMICA



fayenas y rols